

Provincia, La Provence.

Regio unde dicta

Situs.

Cæli temperies.
Soli fertilitas.Imperium majo-
rum.

HACTENVS de Aquitania & Regno Arelatenfi: sequitur *Provincia*. Huic præstantissimo Galliarum traſui, etiam ultra Rodanum ad Garumnâ uſque *Provincia* nomen inditum, quod ab Romanis in *Provincia* formam multis ante Chriſtum natum ahnis redaſtus, quod hodieque impoſitæ quondam conditionis nomen mordicus in exigua ſui portione in qua *Maſſilia* & *Aqua Sextia*, retinet per excellentiam, utque oſtenderet ſe primam, non quidem ordine, ſed dignitate inter omnes Imperii Romani fuiſſe Provincias. Eſt enim totus ille Narbonenſis Ager pars totius Franciæ præſtantiffima. Coniacet *Provincia* ad Septentrionem Delphinatus, montium interpoſitu Velæorum, qui vulgo *Velaye*, intercurſuque magnæ partis Druentii Fluminis: Orientale ejus Latus claudunt & Alpes, & Varus Fluvius, cujus ſiniſtræ ripæ adſidet Nicæa, Italiæ hic principium: qua Meridies eſt, ab Gallico pulſatur Mari: Occidentalis illi limes partim Arauſiorum Principatus & Avenionenſis vel Veniſſæ Comitatus, hujus quondam partes, Francorumq; Ditionis, nunc autem aliorum principum: partim Rodanus, integer, Lugduno Arelatem uſque, ad Languedokii Parlamenti Jurisdictionem ſpectans. Cælum hic mite, clemens & valde purgatum. Ac provincia, de qua mihi ſermo, præter Segetes, Fructus proferit, non ſollicita cultura, nobiliſſimos vuarum paſſarum Ficumque tanta hic copia, ut potiori Europæ ſufficiat. Roſæ-Marinus, Myrtus, Juniperi baccæ, aliæque id genus larga hic manu ab Natura proveniunt. caſtaneæ, Mala Citria Cydonia. Granata Crocus, Oryza, ſimiliaque pleno ibidem Cornu funduntur. Vites generoſiſſima dant Vina. Solum denique paſſim gratum, ſerax, Benignum. De Antiquiſſimis porro *Provincia Comitibus* pauca inveniuntur. Tempore Ludovici VI II Francorum Regis, legimus in vetuſtiſſimis Annalibus fuiſſe Raimundum Berengarium *Provincia Comitem*; ejusque Filiam unicam & Hæredem *Beatricem*, uxorem fuiſſe ductam ab *Carolo* Andium & Cenomanorum Comite, ejusdem Ludovici Regis Filio, qui hoc matrimonio *Provincia Comitatus* eſt adeptus. Succesſit huic *Carolus Claudus* Cognomine, princeps Salernitanus, & Rex Neapolis. Hunc ſequutus eſt Filius *Robertus*, Dux Calabriæ, & Rex Neapolitanus. Robertum Avum excepit *Ioanna* (cujus pater *Carolus*, Calabriæ Dux, jam vitam cum morte commutarat) teſtamento cum Regina Neapolis, tum *Provincia Comes* facta. Hæc *Ludovicum Andegavenſem*, Ioannis Francorum Regis Filium, quem explendo in aduerſarios odio adoptarat, Succeſſorem & in aliis Principatibus, & in eodem Comitatu reliquit. Poſt *Ludovicum* Comes factus eſt Filius ejus *Ludovicus* II; quem ſequutus *Ludovicus* III Filius, quum etiam ab *Ioanna* II Neapolis Regina in Regem Siciliæ, Calabriæque Ducem eſſet adoptatus, improlis Succeſſorem habuit in ſuis Principatibus, ex conſenſu ejusdem *Ioannæ* II, *Renatum Andegavenſem*, Fratrem, Hic quum Regni Neapolitani *Provinciaque Comitatus* jura reſignare noller *Renato* Lotharingiæ Duci, ex Filio *Iolanta* Nepoti, ea tranſcripſiſſe memoratur in *Carolum* Fratrem, Cenomanorum Comitem: qui Filio *Carolo* orbatu *Ludovicum* XI, Francorum Regem, omnium Bonorum Hæredem inſtituiſſe ſcribitur. Alii ſuprema id *Renati* voluntate factum volunt: non abſque graviſſima juſtiſſimæque *Renati* Lotharingici expoſtulatione. Habitatunt